

四部叢刊

清容居士集（二）

231

四部叢刊初編集部

清容居士集

二

卷十五至卷三十一

清容居士集卷第十五

開平第一集

甲寅

延祐改元五月三日分院十五日
始達開平得詩數篇錄示兒曹

居庸關

太行領羣山萬馬高下拜平巒轉城隍隱
隱南北界危坡互交牙寒溜瀉泮泮陰風
玄虬湧巨石忽崩壞周遭青松根下有古
木砮石皮散青銅云是舊戰鎧天險不足
憑歷劫有成敗驅車上林杪出日浴光恠

清客居士集卷十五
一
肅肅空巖秋天風迅行邁

雨中度南口

山寒絕禽鳥獨聞子規啼石壁飛雨驟衆
木搖淒淒瘦馬蹴亂石高下齧其蹄陟巘
沮如深漸覺所歷低暝色起亭午土屋流
寒泥須臾過雷聲倏忽生晴電水清亦可
渡戒僕踰前溪

重午日宿南口小店

寒雨鳴石峽蕭蕭五月秋道逢采藥人不
識葵與榴氣清諧令節暑溽想南州涼颼

木末來動色思重裘猶持一卮酒慰彼湘
纍愁

桑乾嶺

漠漠清都近天梯爾許長青帘矗山影烏
帽拂雲光行客穿珠曲居人綴蜜房端窮
萬里目那惜九迴腸

渡懷來沙磧

沙清圓石瘦千里聞風聲驅此齏齏車索
索莎鷄鳴遠山列翠席近坡環碧城高下
各有險轍迹那由平驚兔導我前歷錄為

之驚天低雲搖蕩土曠塵縱橫謬膺翰墨
選遠行有期程迴頭望南坂初月隨風生

草地

帶水殘沙似暗潮平坡軟草綠迢迢不須
迴首更南望下馬同兒摘地椒

龍門

瀚海雙龍鐵鱗甲捲壑擎雲躡巖關千泉
百道湊東南急雨翻空迸晴雪古言神禹
功寡多導山鑿石疏九河幽都之地不復
顧迺使雙龍下地成盤渦陰風何颼颼磅

礪太古秋崩崖落車礪恠木森戈矛碎沙
晴日鋪金赭云是昔日當關挽勁之僕姑
寒泉組練結九曲亭午赫日光模糊車聲
何鱗鱗昨宵急水迷無津垂堂之言猶在
耳游子商人行不已子規徹天呼我歸翠
華北幸那得避龍門之石高不磨泐筆書
我龍門歌

彈琴峽

在居庸

寒泉飛玉峽誰彈使成聲下有戰士骨鳴
咽水中鳴絲石本異調摩戛生虧成鑿跡

匪神禹佳兵構秦嬴駐馬為聽之逝者何
不平虛牝納新雨急促濁復清重華初省
方百神靜相迎為作薰風弦散彼巖下情

雲州

天闊雲中郡剛風起沈寥甌房聯澗曲土
屋覆山榭撞布朝朝市通薪戶戶燒遙看
塵起處深羨霍嫫媼

次韻虞伯生題祝丹陽道士摹九
歌圖

玉眸精佇朝玉皇五采萬物迎初陽神鈞

空洞光茫茫瑶席合奏樂未央
沉幾經綸白為章膚寸帝青下
填阬朝挾朱鳥招八方旋轉風
輪盪金剛君山之峰隄可望玉
女鼓瑟哀不傷世職玄籍元運
昌靈壽給扶顏色蒼賜齡金篋
難度量仲氏之道誰為長深根
抱一真有常下閔濁世生復亡
浴精昧谷暎扶桑寒陽昭德森
九芒亘劫永寶天地光安流舒
舒復湯湯儼思白璧謝汝將歷
險有戒毋垂堂乘鯉從豹何陸
梁菰蒲糲糲弦管張積變不化
游益荒屈

子調苦心忠良歌罷雲遏投靈湘簫巫鼓
胥紛莫詳嚴嚴祝冊遺鉛黃握管用九神
歸藏出入森衛視錦囊

伏日書懷二首

伏日急雨來端坐披重裘中天異寒暑茲
維帝王州碧草記初夏堅冰在餘溝野曠
無留禽積潦不復收飛雲屢晴陰蒼莽天
宇秋營營壁間蠅就暖旬日謀玄冥自成
歲高下各有求悵彼南飛鴈素心愧難酬
晨起萬竈烟墨雲何輪困念昔種松者用

志良苦辛寒沙草漫漫萬騎來無津樹之
侶雲柵積雪迷秋春大車棟復楹小車櫓
與薪空餘千歲脂成此官路塵我衣素脩
絜整汙不敢嗔俛焉拾餘煤作書記其曰

題李士弘學士畫明復齋風竹

虛聲出素壁泠泠天地秋矧此三伏涼居
然索重裘盪摩神光旋戛擊玄露浮浩蕩
白玉京頃刻瀟湘洲昂昂負嶠僊筆底寒
飈飈高齋嚴道氣深根澹無求

慈雲堂

周南翁祖母

萬竹凰岡下虛堂聳翠微隔林聽迤喃前
嶺望孤飛山立斑斕服牛眠錦繡圍諸孫
有遺範致樂報春暉

南翁近築致樂堂奉母

送濯伯玉之官雲南

蕩蕩哀牢國耕桑獲不毛皮船乘驛穩銅
鼓報衙高事簡歸王化民淳汰吏曹端知
清淨理山水縱遊遨

次韻玉堂畫壁

至人悟窮達歛迹寓龍畝良苗貴深扶
土戒蒿莠霽霽新陽浮高下接紫宙跨犢

東南行問事一俛首新雨瀉溝塍交流媚
川后輟耕非素心帝命資左右相彼前山
雲倏速復還岫卷舒樂槃澗署壁寫其舊
清秋暎空谷風雨百神守夙昔經濟姿志
不在杯酒要使風俗淳斯民樂仁壽秋谷耕雲
明月入水底摩盪空江雪昂昂垂綸翁在
雪不在月悟彼玄化理不寐坐明發我舟
非無檠我車詎無軌迂儒守繩樞世胄貫
華閥顙以千尺竿裁為濟川筏寒江釣雪

再次韻

粵商有阿衡肥遯樂畎畝深畊力其勤嘉
穀寧有莠時來起丘園勲業冠宇宙持此
金石心黽勉佐元首維敬在一德維訓守
先后高風邈難追白雲在前岫堂堂匡濟
功匪以夙昔舊辟彼執御人先道謹為石
精忠百壬避正色九關守我昔夢見之再
拜酌卮酒空谷秋思深圖之奉千壽
維昔師尚父垂老鬚眉雪突兀江海姿韜
精忘歲月坐石投其竿秘籥時一發載車
與之歸在德不在軌念昔經濟人事定始

功闕寒江眇風濤乘桴可如筏

上都客舍士弘為作風竹

門巷泥深笑獨清此君蕭灑未忘情無端
昨夜風花急却送秋聲作雨聲

金主畫孟浩然騎驢圖

生前明主已遭嗔身後君王為寫真家國
總緣詩句廢灞陵猶勝蔡州塵

木葉山前雪似銀軟裘難作自由身想應
晚歲朝陵後故寓騎驢處士真

北關明言不上書塞驢何自入西都開元

清客居士集卷十五
天子元無分留與他生作畫圖

李陵臺

矢盡券空計未踈囊封朝奏侶憐渠漠家
天子春秋責從此降臣直筆書
雪衮寒沙風衮灰眼穿猶上望鄉臺隴西
可是無迴鴈不寄平安一字來

上都楊節婦

吹徹玉參差孤鸞天外飛匣藏身後劍篋
寶嫁時衣壽樂厖眉聳心清鶴骨肥諸郎
新玉立孝謹報春暉

開平第二集 已未

登侯臺

蜿蜒西龍岡綠草搖晴波旁有雙玉井石
角增差我明良佐神運目力窮坡陀層垣
睥睨雄寶構通義娥昂昂鐵竿聳飛鳥光
盪摩土屋粘蜜房文旣圍錦窠緬思皇猷
遠默止松林戈匪以清暑游跋履勞鳴珂
陰森晚色晦寒沙聚群駝悲笳月初上戴
斗瞻天河

次韻伯宗同行至上都